



Broj: 03-08-M-1/25
Sarajevo, 08.01.2025. godine

STRUČNA SLUŽBA ZA POSLOVE KABINETA
I POSLOVE GRADSKJE UPRAVE

PREDMET: Mišljenje na prijedlog Ugovora o privremenom korištenju, bez naknade, nekretnine – vikend objekta
Veza Vaš Zahtjev broj 14-04-27-1/25 od 06.01.2025. godine

Shodno članu 15. Zakona o pravobranilaštvu („Službene novine Kantona Sarajevo“, broj: 33/08-novi Prečišćeni tekst, 7/12 i 44/16) i članu 11. Odluke o osnivanju Pravobranilaštva Grada Sarajeva („Službene novine Kantona Sarajevo“ broj 20/10, 30/15, 12/17 i 41/21) Pravobranilaštvo Grada Sarajevo je razmatralo sadržaj dostavljenog prijedloga Ugovora o privremenom korištenju, bez naknade, nekretnine – vikend objekta koji bi trebao biti zaključen između Grada Sarajevo i JU Centar za odgoj, obrazovanje i rehabilitaciju „Vladimir Nazor“ Sarajevo.

Izvršen je uvid u:

- Akt Stručne službe za poslove kabineta i poslove gradske uprave broj 14-04-27-1/25 od 06.01.2025. godine
- Prijedlog Odluke o davanju saglasnosti gradonačelniku Grada Sarajeva za potpisivanje Ugovora o privremenom korištenju, bez naknade, nekretnine – vikend objekta, januar 2025. godine
- Prijedlog Ugovora o privremenom korištenju, bez naknade, nekretnine – vikend objekta
- Zahtjev JU Centar za odgoj, obrazovanje i rehabilitaciju „Vladimir Nazor“ Sarajevo broj 01-2147 od 17.12.2024. godine zaprimljen 19.12.2024. godine pod brojem 14-04-7977
- Zemljišnoknjižni izvadak Općinskog suda u Sarajevu za k.č. 797 KO Gajevi, z.k. uložak broj 678
- Kopija katastarskog plana Općina Ilijaš broj 235 za k.č. 797 KO Gajevi
- Rješenje o izmjenama podataka Općinskog suda u Sarajevu broj 065-0-Reg-24-005230 od 20.12.2024. godine
- Izveštaj o privremenom korištenju, bez naknade – vikend objekta, za period od 26.12.2023. godine do 26.12.2024. godine broj 01-2294/24 od 31.12.2024. godine

Nakon izvršenog uvida u priloženu dokumentaciju Pravobranilaštvo Grada Sarajeva, postupajući na osnovu ovlaštenja iz Zakona o pravobranilaštvu i Odluke o osnivanju Pravobranilaštva Grada Sarajeva, daje s l j e d e ć e:

MIŠLJENJE

Prijedlog Ugovora o privremenom korištenju, bez naknade, nekretnine – vikend objekta, koji bi trebao biti zaključen između ugovornih strana Grada Sarajevo, koga zastupa gradonačelnik Grada Sarajevo Predrag Puharić i JU Centar „Vladimir Nazor“ Sarajevo, koga zastupa v.d. direktor po ovlaštenju ministarstva Patković Hamza, sačinjen je u skladu sa odredbama Zakona o obligacionim odnosima te sadrži sve bitne elemente predviđene ovim Zakonom i nema smetnji da se zaključi u predloženom tekstu, ako isti predstavlja volju i opredjeljenje Grada Sarajevo, odnosno Gradskog vijeća Grada Sarajevo koje statutarno upravlja i raspolaže imovinom.



Pravobranilaštvo sugeriše da se u uvodu kao i u dijelu potpisnika prijedloga Ugovora o privremenom korištenju, bez naknade, nekretnine – vikend objekta, kao potpisnik ispred JU Centar „Vladimir Nazor“ Sarajevo navede svojstvo v.d. direktora po ovlaštenju ministarstva gospodina Patković Hamze.

U dijelu zahtjeva koji se odnosi na davanje mišljenja na prijedlog Odluke Gradskog vijeća Grada Sarajeva o davanju saglasnosti gradonačelniku Grada Sarajeva za potpisivanje Ugovora o privremenom korištenju, bez naknade, nekretnine – vikend objekta ističemo da se radi o jednostranom pravnom aktu na koji Pravobranilaštvo Grada Sarajeva nije u obavezi davati mišljenje, već da isto predstavlja redovnu obavezu organa odnosno službi Grada Sarajeva za pribavljanjem saglasnosti Gradskog vijeća Grada Sarajeva, po dobijenom mišljenju Pravobranilaštva Grada Sarajeva, na ugovore imovinsko-pravne prirode.

Primjerak kopije potpisanog Ugovora dostaviti Pravobranilaštvu Grada Sarajeva.

DOSTAVITI:

① Naslovu
- U spis

**ZAMJENIK PRAVOBRANIIOCA
GRADA SARAJEVO**

